

Les Minutes juridiques autochtones

PENSION ALIMENTAIRE (cri)

che wiichihiiwet awin e piminaakanuyich utaawaashiim

iiyiyuuswkeuch anite e uhchi pipayihaakanuutwaauih Quebec, wiishuuwewinich e iishi kanawaapahtaakanuwit che chii chischeyihtakutaakanuwit an awin taapwe che chii wiichihiiwet e piminaakanuwiyich utaawaashiim.

Elizabeth waapimeu weshkach wiichewaakanh, Philomene e tahkunaausuuyich neteh kwesteh miskanaahch. naashch e chishipayihuut e wii nituuwaapamat.

Elizabeth: waachiiyeh Philomene, taan e ihtiyin maak, miin kaa e nituu aapatisiiyin namui aa naashch wiyesh chitaiteyihten.

Philomene : kamaa ekuush miin chii ayaayaan nikutwaas (6) piisimh che chii ihtaayaan ihtaayaahch e ninaakachihiik nitaawaashiim. shaash maak ishkwaaipayuu an kaa iishi miyikuyaayen kaye nituuweyihmaau shuuyaayen. miyeyihtaaku e ayaawaaknuwit awaash mik maak nuwich mishitahii ispayuu: aasiyaanich, chuuchuushinaapai, kaye awen e kanaaweyimaausuut.nimisken ihtatwaauih e chiishiikaach nanaamichim e aayimihch e wii wiichihiiisuuyaayen.

Elizabeth: an uuhtaawiimaau namui aa chimiyikw shuuyaayen.

Philomene: ekun e iteyihtak ekaa wiichimikuuyaahch, ekaa ihtaakuninyich chekwaayuu che tipahaak.

Elizabeth: aah, nituuwii iteyihtam, aniyuu, misiwew unichihikumaau chipah wiichihiiweu e wii piminaakanuwich kaye e iishi nituuweyihitamiiyich utaawaashiimh.

Philomene: uuh, taapwe wes maak chichiskutamaasuun wiisuuwewinich. maashkuch chika chii wihtaamuun taan che ihtiyaayen e wii aayihkamihit che chii pechi wiichihit e iishi nituuweyihitamaaan.

Elizabeth: niishtam, yaaite chika wii masinaateyuu utaisinihkaasuun anit usiikaahtausinahiikanniuyich chitaawaasiim. ekuh an uuhtaawiimaau chika wii ayaau aapatisiwiniiyuu namui mikw che chii wiichihaakanuwit.



takuaikan

Information juridique pour les Autochtones

Pilomene: ekun aa mikw.

Elizabeth: namieu uu mikw, mwaauteh che chii ihtiyin e wii aayikamihiit an uuhtaawiimaau che chii pimaachihaat niyuu utaawashiimh, che ushihtayin masinahiikan e nituweyihtaman che pimachihaat aniyuu utaawashiim. kaye che pichitininim e masinaatech misiw e an nanaahkuu chekwaan e iishi nituweyihtaman. uu maak chii ihtuutamane, wii an tipaaskunichesu chika waweyeyihtam taan ishpish che wiichihikuyin.

Pilomene: nika chii chischeyihten aa, niyaakan taan ishpish che tipahiichet e pechi wiichihit.

Elizabeth: ehe, kiipaa saakaschinitaayine an masinahiikanish e nituweyihtaman che pimachihaakanawit chitaawashiim kaye e chischeyihtamuuhitwaau anichi kaa maamuu apihtwaau, shaash chika miyuchischeyihten taan ishipish che chuunaakanuyich e tipaihaamuwaakanuwit e wiichihikuyin an uhchi chitaawashiim. pwaamush chii ihtutaayin tipaaskunicheukamikuhch.

Philomene: mikw maak an kaa wiichimik naapeu namui maashkuch chika wii tipahiicheu che chii wiichihit.

Elizabeth: taapaa ayaa miin taanite che chii ihtak. ishkutak chii tipaaskunaakanuute. wiishuuwewinich chika uhchi pimipayuu uyuu kaachiche che pimaachihaat utaawashiim. peyukwaau nesht niishwaau peyakw piisim, chika uutinikanuyuu e tipaahaamuwaakanuwit aniyuu ishipish ekuh chii che miyikuyin patimaah.

Philomene: miikwehch kaa iishi pechi wiichihiyin. shaash ni miyu nisituhte. nika nituuwaapamaau tipaskunichesu waapiniiche.

chii kaye mwehch e ispayihiikuwane uu chitaawaashiim uhchi waayituutawine maak tipaaskunicheukamikuhch, eka wii shaakweyimuu che wiihtamuwit tipaaskunichesu anit pesuuch e ihtaata.

iyyuu wiisuuwin chischeyihtamuhiiwewin Quebec wiyaaskunchesiinaach uhchipayuu uu e uhchi wiichitaakanuwit.